

ŠEST GRADOVA- HILJADU PRIČA IZ KINE **PEKING - XIAN- LUOYANG – DENG FANG - SUZHOU- ŠANGAJ**



16.04. – 27.04. 2026.

Pridružite nam se na nezaboravnom putovanju kroz srce drevne Kine. Putovanje koje spaja dinamičnu sadašnjost i fascinantnu prošlost – od veličanstvenog Pekinga, carske prijestolnice punih careva i čuda, preko legendarnog Xiana i vojske terakota ratnika, do duhovnog središta Dengfenga i čuvenog Shaolin hrama. Proći ćemo kroz Luoyang, kolijevku kineske civilizacije, a avanturu završiti u futurističkom Šangaju, gdje se nebo dodiruje staklenim neboderima, a ulice pulsiraju modernim životom. Kineski zid, svileni put, kung fu monasi i svjetla velegrada – sve u jednom putovanju!

Cijena aranžmana:

za rezervacije do 22.08.2025. **4.199,00 KM**
 redovna cijena od 22.08.2025. **4.399,00 KM**

CIJENA ARANŽMANA UKLJUČUJE:

- Avio kartu Sarajevo-Peking-Šangaj-Sarajevo, sa svim uključenim aerodromskim taksama
- Smještaj u hotelu 4* u Pekingu, na bazi 3 noćenja sa doručkom
- Smještaj u hotelu 4* u Xian-u na bazi 2 noćenja sa doručkom
- Smještaj u hotelu 4* u Dengfeng-u na bazi 1 noćenja sa doručkom
- Smještaj u hotelu 4* u Šangaju na bazi 3 noćenja sa doručkom
- Večere tokom putovanja u lokalnim restoranima,
- Transfer aerodrom-hotel u Pekingu i hotel-aerodrom u Šangaju
- Transfer ultra brzim vozom Peking-Xian, Xian-Luoyang i Zhengzhu -Šangaj
- Svi obilasci prema programu
- Usluge lokalnog vodiča na engleskom jeziku
- Asistencija predstavnika agencije – pratioca putovanja
- Napojnice za vodiča i vozača

CIJENA ARANŽMANA NE UKLJUČUJE

- Putno-zdravstveno osiguranje (24,00 KM za osobe do 60 godina; 48,00 KM za osobe od 60 - 70 godina; 60,00 KM za osobe od 70-80 godina. – (obavezno)
- Osiguranje od otkaza putovanja 155,00 KM (Osigurana suma 4399,00 KM –uz obavezno putno osiguranje)
- Doplata za jednokrevetnu sobu 750,00 KM
- Individualni troškovi
- Fakultativni izlet :Acrobatic show 100,00 KM
- Ulaznice u objekte 205,00 KM (plaćaju se u agenciji)

Kalkulacija rađena na 15 uplata

PROGRAM PUTOVANJA:

1-2 DAN (16 / 17.04.2026.) SARAJEVO-PEKING

Sastanak putnika na aerodromu u Sarajevu 2 sata prije leta. Podjela dokumenata te prijava na let TK 1026. Planirani let za Peking preko Istanbula je u 20:40 h. Dolazak u Istanbul 23:40 h. nastavak leta za Peking je u 01:35 h po lokalnom vremenu. Dolazak u Peking u 15:35 h po lokalnom vremenu. Nakon pasoške i carinske kontrole sastanak sa lokalnim vodičem, te transfer na večeru. Dobro došli u **Narodnu Republiku Kinu** 欢迎中华人民共和国. Poslije večere odlazak u hotel i prijava. Noćenje.

3 DAN (18.04.2026.) PEKING

Doručak. Nakon doručka, dan započinjemo posjetom nebeskog hrama **Temple of Heaven**, Pekinški Hram neba, Rajski hram ili Oltar raja izgrađen je 1420 godine tokom vladavine cara Minglea iz dinastije Ming. Carevi dinastija Ming i Qing koristili su ovaj kompleks kako bi nudili žrtve bogovima te se molili za dobru žetvu. S obzirom na to da pokriva površinu od nekih 273 hektara, Hram neba je najveći i najkompletniji postojeći kompleks carskih građevina izgrađenih u žrtvene svrhe. On je 1998god. ušao na listu Svjetske baštine UNESCO-a te je u službenoj odluci opisan kao "remek-djelo od velike važnosti za evoluciju jedne od najvećih svjetskih civilizacija".. Nakon obilaska, posjetit ćemo **Pearl Market (Hongqiao Market)**, koja je smještena u okrugu Dongcheng. Pekinška pijaca bisera (pijaca Hongqiao) mjesto je za sve što je vezano za bisere. Najveće tržište bisera u zemlji, prodaje dragulje u gotovo svakoj veličini, obliku, boji, kvalitetu i cijeni koja se može zamisliti, kao i niz druge robe, uključujući odjeću, elektroniku, pa čak i plodove mora.. Ovdje je moguće provesti sate tražeći savršen poklon. Pijaca bisera je svjetski poznata a premijerka Margaret Thatcher je bila redovan posjetilac. Ručak planiran u dogovoru sa grupom. Poslijepodne odlazimo do jednog od najvećih gradskih trgova na svijetu. **Fascinantni Tiananmen ili Trg nebeskog mira** ime duguje istoimenim vratima koja označavaju ulaz u **Zabranjeni grad**, nekadašnju carsku palaču. Površine 440.500 m2, tiananmenski trg teško će vas ostaviti ravnodušnima - ali to nije jedini razlog zbog kojeg je taj komadić Kine toliko poznat i izvan granica zemlje.

Osim što je ondje Mao Ce Tung objavio osnivanje Narodne Republike Kine 1. oktobra 1949 godine, što se slavi kao Dan državnosti Kine, trg se upisao u historiju i zbog krvavog pokolja 1989. godine. Kobna godina ostat će zapamćena po brojnim žrtvama koje su stradale na glavnom trgu. Nenaoružane demonstrante, studente, koji su se borili za slobodu i demokratizaciju, protiv korupcije i režima napala je vojska, a u jezivom sukobu nastradalo je nekoliko stotina ljudi. Danas mnogi posjetitelji koji na Tiananmenu posjećuju spomenik narodnim herojima, Veliku dvoranu naroda, Kineski nacionalni muzej i Mauzolej Mao Ce Tunga. Nastavljamo prema **Zabranjenom gradu**, koji od Trga nebeskog mira dijele tiananmenska vrata, naziv je za nekadašnju carsku palaču kineskih dinastija Ming i Qing, a danas muzej koji se prostire se na više od 720 hiljada kvadratnih metara ima 890 zgrada i ima 9999 prostorija. Ime je dobio zbog toga što za vrijeme careva nitko osim članova carske porodice i njihovih sluga nije mogao ući unutra, tako da su i "obični" stanovnici Kine Zabranjeni grad prvi put vidjeli tek u 20 vijeku. Od tada, Zabranjeni grad više nije 'zabranjen' sada ovdje svi mogu šetati kako bi vidjeli raskoš carskog života.




Da bi se kompleks sagradio, bilo je potrebno oko 15 godina i 200 hiljada radnika, od kojih su mnogi, baš kao i kod građenja Kineskog zida, izgubili živote zbog loših uslova rada.

Za večeru ćete imati priliku uživati u tradicionalnom specijalitetu (**pekinška patka**) a možete iskoristiti priliku i naučiti kako se jede štapićima.. Povratak u hotel. Noćenje.

4 DAN (19.04.2026.)

PEKING



Doručak. Nakon doručka dan započinjemo posjetom jednog od svjetskih čuda – Veličanstvenog, predivanog, čarobnog, i nemilosrdnog velikog **Kineskog zida** dugog gotovo 8.000 kilometara, građenog tokom punih 20 vijekova (1987 godine zid je uvršten na listu svjetske baštine UNESCO-a). Kineski zid je jedan od najveličanstvenijih dokaza rada ljudskih ruku. Ručak u restoranu u podnožju Kineskog zida.

Nakon obilaska nastavljamo odlaskom do fabrike Žada, vidjet ćete kako se drago kamenje obrađuje i pretvara u nacionalno blago. U dogovoreno vrijeme transfer do Pekinga slijedi obilazak ocharavajuće **Ljetne palače**, najveće i najbolje očuvane kraljevske bašte u Kini. Kao remek djelo dizajna kineskog pejzažnog vrta, integriše prirodni pejzaž brda i otvorene vode sa izuzetnim karakteristikama kao što su paviljoni, hodnici, palate, hramovi i mostovi u harmoničnu i estetski izuzetnu cjelinu. Palata je 1998 godine uvrštena na UNESCO listu svjetske baštine.

Nastavljamo odlaskom do **Hutonga** gdje najbolje možete osjetiti tradicionalni duh Pekinga. Uske, vijugave uličice između redova jednospratnica nazivaju



se Hutong, nekada je to bio klasičan način života stanovnika, a danas su tu uglavnom radnje, suvenirnice i restorani. Većina ih je nestala i zamijenjena savremenim građevinama, no preostali kvartovi s hutonzima danas su turistička atrakcija grada. Za razgledavanje će se koristiti rikše i panoramska vozila, kako biste što više vidjeli i upoznali način života iz prošlosti grada. Nakon obilaska slijedi večera. Povratak u hotel, noćenje.

5 DAN (20.04.2026)

PEKING – XIAN G55 (09:55 h -14:05 h)

Doručak. Nakon doručka odjava iz hotela, slijedi transfer do željezničke stanice. Vožnja prema drevnom Xianu, nekadašnjoj prijestolnici 13 kineskih dinastija. Po dolasku, odlazimo u razgled jedne od njegovih najvažnijih kulturnih i duhovnih znamenitosti – **Velike pagode divlje guske**, smještene unutar mirnog kompleksa hrama **Da Cien**. Ova elegantna, sedmospratna građevina, visoka gotovo 65 metara, podignuta je u 7. vijeku za vrijeme dinastije Tang, kao simbol duhovnog prosvjetljenja i vjerske predanosti. Pagoda je služila kao riznica za svete budističke spise i kipove koje je donio slavni **monah Xuanzang**, čija priča i danas fascinira. On je, vođen znatiželjom i vjerom, pješačio više od 17 godina kroz pustinje, planine i nepoznate zemlje kako bi iz Indije donio znanje i svete tekstove, koje je kasnije prevodio na kineski jezik, oblikujući temelje kineskog budizma. Pagoda nije samo duhovni simbol, već i arhitektonski dragulj – izgrađena u tradicionalnom stilu, od cigle, s unutarnjim stubištem koje vodi do vrha, odakle se pruža panoramski pogled na Xian. Njena skromna ljepota i spokojna atmosfera često ostavljaju posjetioce bez daha. Nakon obilaska večera. Transfer do hotela. Prijava u hotel, noćenje.



6 DAN (21.04.2026)

XIAN

Doručak. Nakon doručka odlazak do **jednog od najvećih arheoloških nalazišta na svijetu grobnice Prvog kineskog cara Čina kojeg čuva vojska od terakote**.

Čudesno nalazište nedaleko Xiana, svojevrsni oblik pogrebne umjetnosti, a skulpture su nastale oko 210. godine pr.n.e. Svrha je vjerovanje da će cara zaštititi takva vojska u zagrobnom životu. Nalazište je otkriveno tek u drugoj polovici 20. vijeka, a do danas je otkopano preko 8.000 vojnika, 130 bojnih kola i 520 konja te 150 konjanika. Napravljeni su od terakote u prirodnoj veličini, a neki ratnici imaju pravo oružje. Nakon razgledavanja ove neobične podzemne vojske povratak u središte Xiana, jednog od najznačajnijih turističkih središta danas u Kini, a u prošlosti važnog carskog grada. Potom odlazak u **Muslimansku četvrt** gdje možete isprobati kulinarske specijalitete i upoznati tamošnju kulturu. Posjetit ćemo **Veliku džamiju** u Xianu jednu od najvećih premodernih džamija u Kini. Iako je džamija prvi put izgrađena 742. godine nove ere za vrijeme dinastije Tang, njen sadašnji oblik je uglavnom izgrađen 1384. godine za vrijeme vladavine cara Hongwua iz dinastije Ming. U večernjim satima šetnja pješačkom i trgovačkom zonom znanom kao „Veliki svijetli grad dinastije Tang“. Cijelo područje je dizajnirano tako da podsjeća na dostignuća dinastije Tang, a osvjetljava ga hiljade šarenih sijalica i reflektora. Možete uživati u uličnim predstavama, raznovrsnoj i ukusnoj hrani ili kupovini. Ručak tokom dana u restoranu, noćenje u hotelu.

7 DAN (22.04.2026)

XIAN – LUOYANG – DENG FANG

Doručak. Nakon doručka odjava iz hotela. Transfer do željezničke stanice, ukrcaj na voz. Vožnja do grada **Luoyang**.

Grada na Žutoj Rijeci koji se smatra kolijevkom kineske civilizacije. To je prvi od 4 historijska carska grada Kine, bio glavni grad 13 drevnih carskih dinastija, ali i u kasnijim vijekovima imao je važnu ulogu jer su kineska kultura i religija blisko povezane s gradom. Tu je nastao taoizam i

podignut prvi budistički hram, a i mnogi značajni izumi poput proizvodnje papira, štamparske djelatnosti i kompasa vežu se uz grad. Po dolasku slijedi obilazak **pećina Longmen** koje su uvrštene u UNESCO-ov popis svjetske baštine. Nalazište se proteže oko 1 km duž obale rijeke Yi i ima oko sto hiljada kipova Bude različitih veličina u više od 2300 pećina. Kipovi i natpisi datiraju iz razdoblja od 5. do 10. vijeka, iz razdoblja dinastija Wei i Tang. Nakon razgleda povratak u grad posjet **muzeju Luoyang** koji čuva zbirku s više od 1,5 miliona predmeta; keramiku, brončano posuđe, žad, kaligrafiju, slike i budističke relikvije iz ranog doba kineske civilizacije. Kao vrlo poseban eksponat ističe se trobojna glazirana keramika iz dinastije Tang. Ručak u restoranu tokom dana. Transfer do Dengfang-a smještaj u hotel, večera, noćenje.



8 DAN (23.04.2026)

DENG FANG - ŠANGAJ

Doručak. Nakon doručka odjava iz hotela. vozimo se do rodnog mjesta kineskog **Kung Fua – hrama Shaolin**, istražiti ćemo šumu Pagoda i pogledati nastupe borilačkih vještina. Nakon obilaska nastavljamo vožnjom se do Zhengzhoua da bi smo se ukrkali na brzi voz za Šangaj. Vožnja predjelima Kine uz sela i gradove uz usputna kratka zaustavljanja voza u većim gradovima. Vožnja traje oko cca 4,5 h atraktivnim prostranstvima ove velike i nadasve zanimljive zemlje. **Šangaj** je luka i najveći grad u Kini s oko 26 miliona stanovnika. Tokom 19. vijeka iz malog ribarskog naselja počela se razvijati važna luka kao centar trgovine između istoka i zapada te je već u prvoj polovici 20. vijeka postao međunarodni finansijski i poslovni centar. Danas je najveća robna luka svijeta. Po dolasku transfer do hotela večera, noćenje

9 DAN (24.04.2026)

ŠANGAJ

Doručak. Nakon doručka krećemo u obilazak Šangaja. Posjetićemo **Bund**, zapadnu obalu **Huangpu** rijeke, duž koje se nalazi niz evropskih građevina iz ranog 20 vijeka. Nastavićemo prema **Nanjing Road**, pješačkoj i šoping zoni, koja se pruža između sjeveroistočne strane Narodnog trga i Bunda, gdje možete vidjeti mješavinu potpuno novih visokih objekata i objekata iz kasnog kolonijalnog perioda. Zatim pogledajte izložbu urbanističkog planiranja u Šangaju, gdje ćete naučiti kako je grad planiran, izgrađen i razvijen. Postoji ogroman model grada. Zatim možete istražiti **People's Park** u centru grada, ovdje se nalazi Kutak za sklapanje brakova, gdje roditelji objavljuju informacije mnogih slobodnih muškaraca i žena u javnosti u cilju pronalaženja idealnog partnera. Posjetit ćemo fabriku svile kako biste vidjeli i stekli znanje o jednom od najboljih proizvoda koji se tradicionalno proizvodi u Kini. Kasnije, vožnja do lokalne pijace na kojoj se prodaju odjevni predmeti, torbe i suveniri. Ručak u toku obilaska. Uz dogovor sa putnicima veče možemo završiti uz **Akrobatik show** i večerom. Noćenje.

10 DAN (25.04.2026)

ŠANGAJ-SUZHOU-ŠANGAJ

Doručak. Nakon doručka, napuštamo užurbani ritam Šangaja i krećemo na vožnju autobusom prema **Suzhouu**, gradu poznatom po svojim bajkovitim vrtovima, kanalima i poeziji drevne Kine. Prva stanica je veličanstvena **Pan kapija**, simbolična straža grada koja ponosno stoji još od 514. godine p.n.e. Ovaj impozantni ulaz, nekada dio obrambenog gradskog zida, svjedoči o bogatoj prošlosti Suzhoua kao važnog kulturnog i trgovačkog centra. Legenda kaže da su kroz ovu kapiju prolazili carevi, vojnici i pjesnici – svi tražeći nešto: moć, mir ili inspiraciju. Nakon razgleda, nastavljamo ka jednoj od najljepših oaza u Kini – **Vrtu Net Mastera (Wangshi Yuan)**, koji se s razlogom nalazi na **UNESCO-voj** listi svjetske baštine. Iako najmanji među poznatim vrtovima Suzhoua, ovaj vrt očarava preciznim skladom prirode i arhitekture: svaki mostić, jezerce, bonsai ili paviljon ovdje ima svoju svrhu, simboliku i tišinu. Nekada privatna rezidencija učenjaka i filozofa, danas je to prozor u estetski ideal starokineskog života. U poslijepodnevnom satima odlazimo u **Tongli**, drevni vodeni grad koji se često naziva „**orientalnom Venecijom**“. U ovom lavirintu kamenih mostova, uskih ulica i mirnih kanala, vrijeme kao da staje. Tokom šetnje razgledamo tradicionalne stambene kuće i male muzeje koji prikazuju svakodnevni život iz prošlih vijekova, a zatim se ukravamo na vožnju brodom kroz slikovite kanale. Tišina vode, pogled na mostove i refleksije lampiona u vodi stvaraju gotovo filmsku atmosferu. Nakon uživanja u ovoj romantičnoj i nostalgičnoj ljepoti, vraćamo se u Šangaj. Večera. Noćenje

11 DAN (26.04.2026)

ŠANGAJ - ISTANBUL

Slobodno jutro. U dogovoren vrijeme odjava iz hotela. Nakon odjave iz hotela, transfer do **tornja Orientalni biser**, ukupne visine 468 metara, popet ćemo se na loptu visoku 263 metra sa platformom, odakle ćete imati predivan pogled na grad Šangaja. U podnožju se nalazi Muzej urbane istorije i razvoja Šangaja, imaćete vremena da pogledate na ono što se ovde dešavalo u prošlim vijekovima. imat ćete priliku vidjeti arhitekturu evropskog stila iz kolonijalnog perioda kao što je knjižara Sinan, a zatim laganom šetnjom idemo do **Tianzifanga**, gdje se nalaze mnoge male trgovine i restorani koji prodaju odjeću, modne dodatke, suvenire, kafu i hranu. Nakon obilaska odlazak na večeru. Nakon večere transfer do aerodroma. Nakon pasoške kontrole prijava na let TK 27 polijetanje iz Šangaja u 22:25 h slijetanje u Istanbul predviđeno u 05:15 h.

12 DAN (27.04.2026)

ISTANBUL – SARAJEVO

Nakon kraće pauze nastavak leta TK 1021 poljetanje iz Istanbula 07:25 h slijetanje u Sarajevo predviđeno u 08:15 h. Kraj usluge!

VAŽNE INFORMACIJE

Minimalan broj prijavljenih putnika za realizaciju aranžmana je 15 osoba.

Agencija zadržava pravo promjene cijene u slučaju promjene kalkulativnih elemenata.

U slučaju da za putovanje ne bude prijavljen dovoljan broj putnika, organizator putovanja zadržava pravo otkazivanja ili izmjene putovanja o čemu će obavijestiti putnike najkasnije 21 dana prije početka putovanja i ovisno o raspoloživosti kapaciteta ponuditi nove uslove putovanja ili novo putovanje.

Aviokompanija zadržava pravo promjene satnice letova, u skladu sa propisima koji postoje u međunarodnom avio saobraćaju. Agencija nije odgovorna za otkazivanje, odgađanje, kašnjenje letova ili izgubljeni prtljagu.

Avioprevoznik Turkish Airlines .

SA PRVOM UPLATOM PRIHVATATE OPĆE USLOVE PUTOVANJA TURISTIČKE AGENCIJE

KORISNE INFORMACIJE:

Službeno ime: Narodna Republika Kina

Geografski položaj: istočna Azija

Površina: 9.596.960 km²

Broj stanovnika: oko 1,343.000.000

Glavni grad: Peking, oko 20.693.000 stanovnika

Jezik: mandarinski i kantonski kineski

Religija: ateisti 60%, taoisti i budisti 30%, ostali 10%

Vremenska razlika: +8 sati zimi / +7 sati ljeti

Novčana jedinica: kineski yuan (CNY), 1 USD = oko 6,16 CNY

Kupovina: svila, biseri, čaj, vino i alkoholna pića, antikviteti, medicinski biljni pripravci napravljeni prema tradicionalnoj recepturi, predmeti od žada, porculana. Cjenkanje je uobičajeno.

Napojnice: U Kini su uobičajene napojnice za lokalne vodiče, vozače autobusa i hotelsko osoblje.

Hrana: meso, morski plodovi, povrće, riža i tjestenina te mnoštvo začina. Svaka regija ima karakterističan način pripreme hrane Chaozhou (kuhano meso i povrće), Šangaj (slatkovodni rakovi, pržene jegulje), Szechuan (jako začinjena i ljuta hrana).

Napon struje: 220V/240V (potreban je adapter)

Vakcinisanje: nije potrebno

Viza: Državljanima Bosne i Hercegovine ne trebaju vizu za putovanje u Kinu

Pozivni broj zemlje: +86

Korisna web stranica: www.cnto.org

Klima: zbog goleme površine i kompleksne topografije, ne postoji jedinstvena klima u Kini pa tako ni idealno vrijeme za posjet. Na sjeveru klima sličí susjednom Sibiru, dok je na jugu vruće i vlažno gotovo tokom cijele godine. Sjeveroistok ima vruća, suha ljeta, ugodne jeseni i prilično hladne, uglavnom suhe zime. Proljeća su blaga, ali mogu biti kišna. Središnja obala ima povremene kiše u bilo koje doba godine, vruća i vlažna ljeta te hladne zime. Jug ima prilično padavina, duga suptropska ljeta i blage zime. Generalno, proljeće (mart – april) i jesen (septembar – oktobar) su najugodniji za posjetu.

Zanimljivosti o Kini –

- Riječ Kina potiče od riječi “Ćin” što znači brada.
- Vjerovali ili ne, Kina ima samo jednu vremensku zonu. Poređenja radi, Francuska ima čak 12.
- Jedna od najčešćih zanimacija u Kini je sakupljanje markica.
- Više od 100 miliona ljudi živi sa manje od 1 dolara dnevno.
- Broj smrtnih kazni u Kini, 4 puta je veći nego u ostatku svijeta zajedno.
- 2008. godine u Pekingu su održane Olimpijske igre, do danas upamćene kao jedne od najbolje organizovanih olimpijskih igara ikada u istoriji. Procjenjuje se da je u njih uloženo 40 milijardi dolara.
- Postoje istoričari koji tvrde da je fudbal nastao u Kini prije više od 1000 godina.
- 45 milijardi štapića godišnje se baci u Kini.
- Kina je najveći svjetski izvoznik i drugi najveći uvoznik.
- Kineski lampioni predstavljaju simbol dugovječnosti.

- Proslava kineske nove godine traje 15 dana.
- Čaj je otkriven u Kini, a vjeruje se da je nastao kada je slučajno jedan list biljke pao u vrelu vodu.
- 35 miliona ljudi u ovoj zemlji i dalje živi u pećinama. Nešto slično kao što je nekada bilo i u Kapadokiji.
- Kada bi se spojile sve kineske pruge, mogle bi da okruže svijet dva puta.
- U Kini je obavezno da se kozmetički proizvodi testiraju na životinjama, dok je u Evropi to zabranjeno.
- U Kini, bijela boja predstavlja simbol žalosti, acrvena simbolom sreće.
- Svakih pet dana u nekom od velegrada širom zemlje, izgradi se jedan neboder.
- Više ljudi ide u crkvu nedjeljom u Kini, nego u čitavoj Evropi zajedno.
- Farbanje kućnih ljubimaca da podsjećaju na druge životnije, vrlo je popularno.
- Godine 1556. Shaanxi zemljotres usmratio je čak 830,000 ljudi.